



KEMENTERIAN WILAYAH PERSEKUTUAN
Blok 2, Menara Seri Wilayah, Presint 2, 62100 Putrajaya
Tel: 03-8000 8000 Faks: 03-8889 7957
Laman web: www.kwp.gov.my

SIARAN MEDIA

UNTUK LIPUTAN MEDIA MASSA

WILAYAH CAKNA 3.0 MEMPERKASAKAN PERANAN KOMUNITI DALAM MEMUTUSKAN RANTAIAN COVID 19

PUTRAJAYA, 29 Oktober 2020 – Kementerian Wilayah Persekutuan (KWP) menyerahkan bantuan sumbangan inisiatif Wilayah Cakna 3.0 kepada Majlis Perwakilan Penduduk Wilayah Persekutuan (MPPWP) Putrajaya dan enam (6) sub zon di bawahnya serta 36 persatuan penduduk Putrajaya hari ini.

Setiap zon dan sub zon MPPWP menerima sumbangan sebanyak RM3,000 dan persatuan penduduk menerima sumbangan sebanyak RM2,000 susulan daripada inisiatif tambahan Wilayah Cakna 3.0 Kementerian Wilayah Persekutuan kepada warga Wilayah Persekutuan Putrajaya yang terkesan dengan Perintah Kawalan Pergerakan Bersyarat (PKPB) khususnya kepada golongan B40 dan miskin.

Penyerahan sumbangan ini adalah bertujuan bagi membantu MPPWP dan persatuan penduduk ini dalam mempergiatkan pelaksanaan program-program pencegahan COVID-19 serta pembudayaan norma baharu dalam kalangan komuniti bagi memutuskan rantaian penularan COVID-19. Ini secara tidak langsung dapat menggalakkan *community empowerment* membantu *frontliners* yang sedang bertungkus lumus memerangi pandemik ketika ini.

Di samping itu, Perbadanan Putrajaya (PPj) turut menyerahkan 1,000 baucar *Food Pack* bernilai RM100.00 setiap satu dari Coopmart kepada MPPWP untuk diedarkan bersama-sama kepada setiap isi rumah di dalam kategori asnaf dan golongan B40.

KWP dan PPj juga turut menyerahkan peralatan pendidikan seperti tablet, meja kerusi belajar, rak buku, *education games*, *exercise mat* dan sebagainya bernilai RM20,000 kepada Pusat Pemulihan Dalam Komuniti (PPDK) di bawah kelolaan Jabatan Kebajikan Masyarakat Putrajaya. Penyerahan peralatan adalah untuk membantu kanak-kanak istimewa dan akan diagihkan ke setiap PPDK yang beroperasi Presint 9, 11, 12 dan 14.

KWP dan PPj berharap sumbangan ini dapat membantu MPPWP dan persatuan penduduk, komuniti Putrajaya menangani secara bersama dalam memutuskan rantai COVID-19 dan menjadi Wilayah Persekutuan sifar COVID-19.

TAN SRI TPR. ANNUAR HJ MUSA
Menteri Wilayah Persekutuan